

basso che bateva per fianco. Li tre canoni furono tirati per una strada fata a questo effecto a man con gran fatica, et piantati una balestrada lontani di la Capella. Quelli di dentro, perchè luceva la luna, tirarono molti colpi de archibusi, et guastarono alcuni guastadori et il capitano di le artelarie, non perhò di botta di molto momento. E dito monsignor capitano, avanti piantasse le artelarie, mandò a dimandar a quel castelano spagnol è dentro, da parte sua e de lui capitaneo e provedador di Bergamo, quel el deliberava de far, perchè, piantade le artelarie, el non haveria poi partito che li piacesse; el qual disse che l'havea quella forteza per consignata da la Maestà Cesarea, et che piuttosto el voleva morir che venir a mancho de la sua fede.

274 *A dì 22.* A bona hora, li Cai di X fono in Colegio, et non vene letere, *solum* lecte queste venute eri sera.

Da poi disnar fo Pregadi, et vene *lettere de Vicenza, di eri sera*. Come i nimici erano ussidi di Verona et tenivano la volta di San Martin verso Vicenza.

Fu posto, per li Savi, elezer *de præsenti* uno provedador di stratioti et cavali lizieri, con ducati 80 al mese per spese, con cavali 6, computà el suo, et 6 famegi, con pena di ducati 500 *ut in parte*, 8 di no, 161 de sì. Et fato il scurtinio, rimase sier Zuan Vituri, el qual acetò la matina sequente, perchè non è in Pregadi questo anno. Il scurtinio sarà posto qui avanti.

Fu posto, per li diti, le decime numero 97, 98 poste a di do Zugno, si schodi senza don e pena per tutto 8 Fevver, et quelli pagerano in contadi habino il don, poi sia tirà le marelle per li cassieri e mandate a le cantinelle a li Governadori mederni, e li exatori scuodi con le pene: 23 di no, 149 de sì.

Fu posto, per li diti, che li consieri di ofiej, portino, principiando questo Zener, li danari di la mità dil neto, di mese in mese a li Governadori, di la limitatione a loro facta, come fa l'ofizio di le Raxon nuove, ch'è li danari di 8 ofiej, soto pena *ut in parte*; che dia esser fra tutti lire al mese, *ut in ea*: ave 10 di no, 160 de sì.

Et li ofiej sono: Arsenal, Caneva, Biave, Formento, San Marco, Doana de mar, le tre Procuratie, Provedadori di comun, Fontego di todeschi, Sal, Diexe ofiej, Formento in Rialto, Raxon vechie, Raxon nuove, Provedadori sopra la camera d'imprestedi, Camera d'imprestedi, Provedadori sopra le legne.

Fu posto, per li Savj. Combatendo nel Marostegan, Hanibal di Lenzo di Bologna capo di cavali lizieri nostro fu fato preson da i nimici, qual su la fede è stà lassato venir, et dimanda per contracambio, ch'è stato preson mesi 18, tre presoni è in li Cabioni, *videlicet* Guielmo Rehter balestrier, Gualtier Apasberger balestrier, et Zorzi Sauber fante da curaza, che sono persone tenue in raccomandazion; dil qual scrive el signor Zuan Jacomo e il provedador zeneral Contarini. Perhò li sia concesso tal presoni per riscatarsi: 30 di no, 134 de sì.

Fu posto, per li Consieri e Savi, la expedition di oratori di Crema, quali dimandano exention di la masena in perpetuo, atento li danni patidi, et però li sia concesso per anni 10, per adesso. Sier Zuan Trivisan, savio a terra ferma, messe farli exenti in perpetuo, et sier Vettor Foscarini consier intrò con lui, et sier Fantin Memo et sier Francesco da Molin cai di XL, et sier Andrea Balbi cao di XL, messe per anni 20. Parloe sier Zuane Trivisan predito, comemorando li meriti di cremaschi; li rispose sier Gasparo Malipiero savio a terra ferma, et balotato le tre opinion, fu preso per anni 10, et fo balotà tre volte et comandà credenza.

Scurtinio di provedadori di stratioti et cavali lizieri, con pena, a ducati 80 al mese.

Sier Bortolamio da Mosto, fo savio a terra ferma, qu. sier Jacomo . . .	67. 79
Sier Piero Loredan, fo cao di XL, qu. sier Alvise, fo a la custodia di Padoa . .	20.124
Sier Antonio Gradenigo di sier Zuan Paulo	19.120
Sier Zuan Dolfin, fo provedador a Fel-tre, qu. sier Hironimo	25.119
Sier Zuan Moro, fo capitano di le galie bastarde, qu. sier Antonio	48. 93
Sier Lodovico Querini, fo provedador ai Urzi nuovi, qu. sier Jacomin . .	35.111
Sier Lunardo Zustinian, fo soracomito, qu. sier Unfredo	44. 99
Sier Alvise di Prioli, è di Pregadi, qu. sier Francesco da San Tomà . . .	16.124
Sier Jacomo Manolesso, è provedador in Vicenza, qu. sier Orsato	50. 97
Sier Francesco Pasqualigo, fo provedador di stratioti in Istria, qu. sier Vettor . .	57. 89
Sier Alvise Zorzi, fo di Pregadi, qu. sier Antonio el cavalier	54. 93